

Riba Dia Internacional di Derecho di Autor

Marilyn Alcalá-Walle lo lansa su obra na Biblioteca Nacional

ORANJESTAD – Awe, dia 23 di april, Dia di Derecho di Autor, lo bay tin presentacion di e buki titula “Kruithuis, un año despues”, di e autor Marilyn Alcalá-Walle.

E presentacion lo tuma lugá den Biblioteca Nacional pa 7’or y mey di anochi.

Kruithuis

Segun Mirto Lacle, e escritor Marilyn Alcalá-Walle, di Corsou ta ilustra e catastrofe cu a tuma lugá riba dia 15 di december, 2012. Un año despues el a lansa e buki aki. E autor a convivi e explosión na Kruithuis, conoci aki na Aruba como Wela, caminda ta warda tur loke tin di haber

cu vuurwerk. Durante e explosión diferente hende a perde nan bida.

Commemoracion

Alcalá-Walle, a skirbi e buki pa conmemora e victimanan, kendenan a bay pa un miho bida y tambe nan famia, pero tambe como un advertencia y pa ta cauteloso ora di anda cu vuurwerk, sea legal of ilegal. Si bay bek den historia, na november 1755, sa cu e ciudad Lisboa, a kima completamente y hopi bida a bay perdi. Na Aruba tambe tabata tin diferente caso caminda hendenan ta perde parti di culpa, bista, etc.

Presentacion

Den e caso aki tambe ta haya e experto di explosivo, Rubin Ponson, kende lo bay duna un presentacion via powerpoint riba e tema aki y tambe lo tin un documentario riba loke por sosode y pa advertencia den esaki. Sr. Mirto Lacle lo duna un charla cortico riba luto. Ora di perde un famia den algo asina aki ta algo masha doloroso y tin cu wak con ta anda cu esaki.

Invitacion

Dia Internacional di Derecho di Autor, ta invita tur autor, tur escritor, tur persona cu ta pensa pa skirbi cu tin di haber cu buki, sea un di e tres gen-



eronan di literatura, of tambe por ta ficción, no ficción. Si ta trata di literatura di e generonan prosa, poesía, drama y ensayo, pa ta presente pa por comparti e dia aki y conmemora derecho di autor.

Grandi den literatura

Ta un dia di celebra pasobra William Shakespeare di Inglaterra y tambe Cervantes di España, pero tambe Peruano Inca De La Vega, ta hendenan cu a resalta den literatura

y ta recorda esakinan. Jardin Caribe lo regala e damanan un bunita rosa riba e dia aki manera ta customber na España. Tambe por bisa ta e dia natal di Boy Ecury, pues momentonan, motibonan mas cu suficiente pa lansa e buki aki y tur hende bin pa cera conoci cu Marilyn Alcalá-Walle kende lo tene un charla riba e buki y e buki tambe lo ta na disposicion. Esaki lo ta e penultimo actividad di april, Lacle a splica. □